



梅里志卷二

江南巡撫秦伯後裔存禮編

吳郡守蔡永清校

里人杜詔訂

建置

吳本禹貢揚州之域於古為荒服之地秦伯奔荆

蠻居梅里平墟

里亦作李史記正義曰太伯奔吳所居在蘇州北五十里無錫

縣界梅李村其城及墓見在而云亡荆蠻者楚

滅越其地屬楚秦滅楚其地屬秦秦諱楚改曰

荆故通號吳越之地為荆及北人書史加稱蠻

也錫山雜識梅李在無錫縣東三十里者是古

梅李在常熟縣東三十六里者五代時吳越使梅李二將駐兵於此以禦南唐遂成聚落故名

又吳地記梅自號句吳伯長居國絕嗣者也其李一名番麗

當有封者吳仲也故自號句吳許慎淮南子註云吳人語不正言吳而加以句

錫縣東三十五里吳地記泰伯築城于梅里

墟其地漢為無錫縣地屬會稽郡東漢為無錫

侯國屬吳郡順帝分會稽置吳郡晉為毘陵郡又改為晉

陵郡隋以後改常州元屬常州路明屬常州府

今仍之○按漢書地理志吳故國周太伯所邑

似今吳縣為太伯故都非是孔穎達曰太伯居

梅里傳至十九世孫壽夢壽夢卒諸樊南徙吳

至二十一世孫光使子齊築闔閭城都之即今

蘇州也

附見吳季子札壽夢第四子封於延陵地理志云會

稽毘陵縣季札所居即今常州府

城郭

泰伯城在無錫縣東南三十里梅里鄉泰伯始國

於此謂之句吳吳越春秋太伯當殷之末中國

侯王數用兵恐及於荆蠻故起城周三里二百

步外郭三十餘里春秋地名考作三百餘里在吳西北隅曰

故吳墟自太伯至王僚二十三君皆都此輿地

記吳築城梅里平墟即太伯城也寰宇記太伯

城西去縣四十里平地高三丈吳地記太伯築

城于梅里今日梅里鄉亦曰梅里村城內有宅

舊址及井猶存亦云吳城按漢書地理志河東郡大陽吳山在西北

有吳城周武王封太伯後於此是為虞公即周

章之弟虞仲蓋仲雍之曾孫也杜預春秋註仲

雍支子別封西吳蓋指此又後漢郡國志大陽

有吳山上有虞城水經注亦作虞城在今山西

平陽府平陸縣名勝志虞城在平陸縣東北即

虞公故城日知錄云虞城之書為吳城猶吳仲

之書為虞仲也然則虞仲所封之吳城與毘

太伯所都之吳城無涉不得混而同之

陵志無錫古句吳地泰伯舊國其城在今梅里

鄉自泰伯至王僚二十三君皆都此周敬王六

年闔閭始城姑蘇而遷都焉後漢書吳本國註

闔閭所造周四十七里二百一十步二尺杜氏

通典蘇州吳國之都也自闔閭以後並都于此

其後楚併越楚考烈王元年相黃歇以淮北十

二縣封為春申君後十五年徙封歇於江東城

故吳墟越絕云此城太伯所築按史記春申君

然考吳越春秋注太伯所都謂之吳城在梅里

按錫志云春申君黃歇自淮北徙封江東因城故吳墟為都邑名曰黃城在縣西十二里開原鄉又陸羽惠山寺記望湖閣西有黃公澗昔楚考烈王封春申君黃歇於吳之故墟即此也

鴨城在縣東南二十五里泰伯鄉輿地志吳王牧

鳧鴨之地今梅里鄉亦有鴨城

一統志云鴨城在吳縣境又

有麋城去鴨城不遠今無所考以鴨城推之當

是參麋鹿處

附見

闔閭城在無錫縣西南五十里富安鄉越絕書

伍員取利浦及黃瀆土築闔閭城吳地記闔閭

城周敬王六年伍員伐楚還運潤州利湖土築

之不足又取黃瀆土為大小二城當闔閭伐楚

回故因號之此蓋闔閭小城也按錫志云闔閭

大城在今蘇州府去潤四百里無錫去潤亦三

百里取土不應如是之遠小城在縣富安鄉者

地名閭江邊湖其城猶在土人至今有城裏城

外之稱而縣之梅里鄉本有利浦及黃瀆蓋取

土梅里以築閭江之小城或有之耳可以正吳

地記之失

山川附人物遺蹟

皇山在故泰伯城東九里吳地志山在無錫縣東

五十里又名東皇山以泰伯葬山之西而名後

梁鴻居此改稱鴻山按後漢書梁鴻至吳依大

而異之乃舍之於家及卒伯通為求葬地於吳

要離冢傍要離冢在今蘇州府吳縣西梁鴻墓

在其北或云梁鴻居皇山歿隨葬焉者誤。後

元至正中江陰王逢作河清頌行臺薦之以疾

辭會亂亦卜隱皇山自號最閒園丁淮張據吳

累辟不就其丙申紀事詩有不成巢父去空似

魯連歸及伯鸞吾所慕錫山志鴻山名皇山高

之句殆亦鴻之流亞也

十餘丈特起於地

泰伯墓在山之西嶺詳見祠墓

鐵山寺在山之東麓相傳為梁鴻故宅後謫宅

要離冢並峙勢隆然而高未審何據

梁鴻泉泉即井也一名華子泉元末華幼武闢

鴻山之巔井有泉壅而未濞千餘年今日華

子重浚焉挹取不改功斯全天啓間徵士浦

凌雲偕弟冲漢集邑儒吳桂森華貞元輩講學於此

鸞遊洞在山之絕頂南下數武廣丈許左右旁

山弔古詩登山山路轉山阿歸向棲鸞

劍池即滌硯池相傳為梁鴻滌研處邵文莊公

望虞亭山之中嶺有亭翼然於上未知創於何

西虞仲墓於虞山之麓兩山相去百里而遙以致泰伯懸懸北望意也向有碑石於亭刻季歷哀慕歌莫止詩作畫中亭

放鶴臺 臺築於園園故為華氏地在西嶺道左踞山陽之勝

眼空臺 與放霍臺東西並峙浦氏志合為一談也

石壁 峭立丈餘上有一平境可容數人下臨白龍母廟舊志載石徑即此

試劍石 山有巨石斷為兩截宛如劍痕

石灘 在石壁之東而稍下平廣可坐百人即舊志所云梧竹坡也

月影石 相傳為要離磨劍石

殊砂潭 山之東嶺石岩下有一潭中有零石朱色而軟磨之少頃略浮黃色紅勝土殊

人或采取為用

楊梅塢 在山之南麓土人嘗植楊梅是也於此今所傳蕩口楊梅是也

白龍母廟 在山之北四圍皆水南沙莫止詩作眠松壑

大士菴故墟 在山之東嶺舊為茅君行祠中有迎暉閣拱秀軒

洗心軒 即茅君行祠之拱秀軒南南沙莫止詩作洗心軒

讀書處 在鐵山寺中相傳梁鴻讀書於此

石室山在皇山北二里餘俗名石脊山

前澗 元末浦振奉母隱此今為浦氏世居天啓間有浦慶祥仲女許字陳毓華未嫁毓華

病殤氏遂密縫上下衣襦沉河以死時年一十八歲崇禎七年詔旌今祀惠山三旌祠

浦孝子節婦墓 在石室山南孝子名劭前澗人嘉靖三十三年以救父應虞為

倭剛死妻過氏年二十七遺腹生子痛夫非命矢志守節萬曆間先後詔旌今並祀惠山

秀嶂街

嵩山在皇山西北二里或作松山南徐記松山一

名少孤山在奚山之東相傳蕭梁時有異人嵩

頭陀開山建寺故以為名上有留雲洞泠泠泉

嵩山寺 閩陽陳玘記略錫邑之東有山曰嵩山

萃然起於莽蒼之中形勢巖窠林木暢茂山之下魚田鱗次泉塘鑑開輪蹄不及歌吹無聞此天地之奧區亦禪林之勝境也自

嵩頭陀初建後歲久寺廢元至正間僧志道重建名觀音禪院志道法號物外道行高妙

尤優於文墨與姚廣孝友善故廣孝嘗居此洪武二十六年志道無疾脫去永樂中里人

楊德彝捨地二頃志道之徒靜安大創臺殿門廡佛像宣德八年賜名嵩山禪寺香火益

盛遂成叢林寺鐘聲聞五十餘里亦嵩頭陀手製嘉靖甲寅邑令以譙樓鐘互易焉崇禎

時寺復圯國朝康熙元年僧超杲重修杲字玆水少年參悟得法龍池受知於

世祖章皇帝恩遇特隆初杲適嵩山時浚寺東古井得一石碣上鐫古篆云若要此山與除非

天下清迥然超物外水到碧渠成與國號及泉名號符合遂决志鳩工復興此寺

留雲洞 在山北巨石間俗稱仙人洞

泠泠泉 在留雲洞下今湮

杪樾林 在山左麓密陰蒼翠有屋數楹名朝陽菴不知圯于何時國朝康熙間寺僧

海素  
重建

蒼葡萄林  
在寺左  
茂林中

來月軒  
在寺中

聽松堂  
即今禪堂

紫芝室  
以庭產瑞芝而名

流翠軒  
在寺北山麓間高爽空曠攬一山之勝

白鷺池  
在寺門外

望湖亭  
在山巔登之可遙望湖光今圯

府判陳應龍墓  
在山麓

楊長史祠  
明庚戌進士楊文官壽王府長史著四書臆說周易補微書補釋卸虛集

處士蔡立墓  
在山南麓立子黻於明景泰間出粟賑饑特賜冠帶孫頊妻陳節婦

俱附  
葬

訓導沈烈墓  
在山西麓烈本姓趙氏康熙丁巳歲貢官婺源源訓導著有麟經粹旨

奚山在嵩山西北里許亦突起平地俗呼諧山或

名晶山高可十餘丈周里許上有石壁

觀音菴  
在山之東塢

余山在奚山西里許一名塗山高數丈圓正如釜

明副使華金墓  
在山之陽明正德辛巳進士官至天津副使

明指揮使蔡孚墓 在山之南孚子承事郎振祔葬今名皇華坟

白檐山直梅里之北與余山若斷若續俱在平壤

中山出青石

朱文公祠 在山下公裔自宋季來居於此明永樂間乃建今祠

膠山在皇山西北十餘里相傳膠鬲曾流寓於此

而名與惠山東西對峙至其寺門向背比較不

失尺寸山高百餘仞周九里上有獸蹄痕俗稱

金牛跡舊產薯蕷充貢今革

王僧達墓 在山南嶺下大路北高一丈六尺周二百步僧達瑯琊人宋孝武帝時為

右僕射遷中書令終義興太守

蕭侍郎宅 一名蕭莊梁太清初捨為佛寺錫山志侍郎墓即在寺門舊志失其名

膠山教寺 寺址即蕭侍郎故宅踞山北向建於梁太清初名彌勒寺隋大業中重建

唐咸通中改依東峯與惠山相望宋至道中賜額興化建炎間李忠定公請奉先祀改賜

崇親報德禪院明洪武初僧演仍請賜額膠山寺寺內舊有上方環翠聽松分翠等軒盡

收山泉原野諸勝

李忠定公綱祠 在膠山寺宋紹興初建邑人陸永思捐田七畝以供祭祀後廢

明正德中里人安國捐資重構又捐田十三畝合為二十畝歲奉蒸嘗邵文莊公為之記

并作歌以祀公

竇乳泉

先在膠山寺之背後寺改依東峯泉居左廡之南歲久弗治淪塞湫溢宋建炎

二年尚書郎閩中翁挺捐錢十萬治之坎山丈餘得泉眼嵌竇間泉益清駛乃琢石為池

廣袤四尺深三尺以蓄泉上結宇庇之榜曰蒙齋池之北瀉為伏流五丈有奇跨流為屋

四楹設扉啓閉之至明又圯弘治中安國復浚之作亭於其上其左則有湛然講堂東泉

書院翠屏閣而寺益增麗焉又有滌硯泉以蕭侍郎滌硯而名今為鄉飲賓錢應禱墓

靈鈞菴

在膠山明正德中建舊有靈鈞泉因名

安家墳前

明安國子如山嘉靖己丑進士官雲南僉事有宦望孫希范萬曆丙戌進

士官吏部主事以直諫削籍歸東林講學天啓初贈光祿少卿

南林

去山二里許清流環繞綠陰蔽日後有池可數十畝汪洋蓊鬱山林數澤之趣兼而

之有

西林

在山之南贈員外郎安國園也國素饒于資嘉靖中歲旱民饑國發粟千鍾計口就

食即計口程功日役千人緣山鑿池不數月池成廣數百畝深數丈溉田種魚兼收菱芡

荷芡之利中留二墩題曰金焦分勝已復繞堤藝樹因山蓋亭再傳至紹芳益加丹蘄日

與名流觴咏其間釐而別之為三十二景各得二十詩弇州王世貞復約其景中之尤勝者

二兼所麗者三曰蘭巖膠之縱橫巖也大國之香滋焉曰風弦障高坪直上接于膠下瞰

諸水長松冠之風至則調調刀刀鳴也日遁谷降膠而凹却入水溪嘉處也日晨光塢以

左小缺得嶠夷侯獨早日纖纖泉最冽而甘是山事也日鏡潭纖纖之所匯也皎而澄可

以燭須麋日鳥嶼水中大洲羣鳥驚屬至而

族焉曰上島嶼之右別洲也曰中洲嶼之輔  
洲也曰蕭閣卜於嶼長松匝之曰空香閣卜  
於島竹木藁之曰景榭綠潭而立得月則水  
中樓閣皆可頰而有也一葦渡以渡島嶼名  
夕霽亭以晞髮于頰陽名素波亭渡口縮也  
息磯可憇而息醉石可藉而醉皆得之水故  
曰水事也虛籟堂以遲賓者也椒庭廣除也  
爽臺踞椒庭而聳梧竹承之是不盡麗山水  
而山水之致襲焉  
故曰兼所麗也

鳳凰山即膠山之西峯也傍小山有甕廳插旗之

名

王越祖墓 在山下

雞籠山在鳳凰山西以形似名

龍腿山又在雞籠西其麓皆相接

堠山一作緱山俗呼吼山南去至德廟十餘里又

名七雲山不峯不巒突起平地高逾七十丈周

七里登其巔則虞山在望矣南徐記堠山北有

白石峴

真武殿 自麓至頂凡三殿鄉人每於三月十八日進香賽會累千萬人又有大士菴明

嘉隆間香火亦盛今廢

西園 處士錢華所創華明弘治間人與華津錢榮同里時號錫山三德士華不仕號西園

處士後其族錢季子妻鄒氏年二十二遇倭死節

附見虞山在常熟縣治西北一名海虞或云海嶠又

名烏目山去皇山東北七十里仲雍墓在焉越絕書巫咸所居又虞仲隱於此故名山巔有真武殿望海亭其後有仙人洞東有桃源洞西北爲拂水岩過吳王廟五六里有試劍石又有三沓石與石城石門諸峯錯峙又有齊女峯相傳爲齊景公女葬處下有石壇又西則寶岩灣其北六里爲破山

附元

安陽山在無錫縣西北五十一里平地板起圓

峻而銳上一號文筆峰高百二十仞周一十八

里風土記武王封周章少子贄爲安陽侯卽此

地至今山下有贄墓一云山在陽湖上故名南

徐記此山石堪作噐江東數州皆藉之上有龍

湫廣袤三丈歲旱禱之常驗山有觀音巖其南

麓有翠微院長廊邃宇爲鄉名刹其左龍王祠

卽贄也山石始采於漢大夫陸端至今取之不

竭然其洞穴多由取石而成舊稱三十六洞今

可知者五有九門張公甘草清水容春之名正

嘉以後山凡三崩矣

見附柯山在舜山之西太縣西北二十里兩峯相望  
土人合名之曰舜柯山風土記吳仲雍六世孫  
柯相之所治也

見附閭江山以伍員築闔閭城於此故江以閭名山  
與地卽以閭江名夫差殺子胥盛以鴟夸革浮  
之江中卽此地其西爲胥山伍員廟在焉今環  
山前後左右皆泰伯之裔居之

泰伯瀆西枕運河東連蠡湖而梅里當其中長八  
十七里廣十二丈起自無錫縣東南五里許歷  
景雲泰伯梅里垂慶延祥五鄉入長洲界相傳  
泰伯所開蓋農田灌溉之通渠亦蘇錫往來之  
逕道也唐元和八年常州刺史孟簡常濬導之  
改稱孟瀆然民間有口但云伯瀆不聞孟瀆也

錫山志云泰伯瀆運河之支也於清寧橋南入  
口有橋跨其上名伯瀆橋東行不半里有湧蓮  
菴菴北爲保安教寺寺固古刹菴亦百有餘年  
矣東行過驢橋至學士橋橋爲前明華察所建

故以官名冷瀆合東亭諸水自北來會截流而南爲十字口出王莊港以達運河又東行歷羊橋倪士良橋其支者爲鄒莊河又東行過坊前橋東亭諸水分流出牙橋來會又東行東亭諸水分流出紅橋來會又東行鴨城諸水分流出許巷橋來會又東行過蘇團橋其支者爲香涇河南出周涇亦達於運河又東行過破塘橋又東行爲梅村河逕泰伯廟之北梅村橋跨其上其支者爲梅花浜又東行爲犁尖河而鴨城諸水東行歷東西蠡橋來者出犁尖橋亦會焉其流頗大其支者爲安樂浜又東行過毛塘橋至分流口岐而爲二有分水龍王廟在焉一支合走馬塘河之水東流爲張塘河逕皇山之南又東過張塘橋分爲小張塘河又東入蘇舍蕩而小張塘河稍南行轉東者復折而北來合焉又東過蘇舍橋歷沉蘇蕩口又東過福華橋楊巷橋其支者南行爲灣涇河注於青蕩又東行至新橋入鷺湖其支者於新橋之西北行徑蕩口

鎮繞出東沙涇水月菴之東而入於鶯湖自福  
華橋以東東沙涇以西夾岸居民千有餘家華  
氏居十之七八世稱蕩口華氏爲巨族也一支  
自分流口東南行過北宅浜又東南抵馬橋其  
支者逕小馬橋而南出顧墅橋入蠡河又支者  
北行爲跨丈涇達張塘河又東南至廟菴橋有  
祈福菴左爲春申廟里人賽社處也而橋亦以  
此名矣又東南分爲九曲河又東南歷胡堰橋  
磚橋過楊巷蕩轉而南爲坊橋又南至渡橋口

南爲長洲界西接三歎蕩東入蠡湖

保安教寺 在景雲鄉去伯瀆半里許創於梁大同初宋紹興中重建乾道初賜今額

明洪武嘉靖間相繼修葺有天王大雄穢跡諸殿有禪堂七佛閣閣爲華珂鳴所建禪堂

地 國朝康熙間寺僧明瑜重建其地多修篁古木山門流水縈洄邵文莊公嘗作東林書院於其後

湧蓮菴 在保安寺前明崇禎中建國朝康熙間免地稅

至德祠 詳見祠墓祠後有真武殿關聖殿左爲三讓堂右爲採芝堂道士居之奉祠香火

唐平章事李紳墓 紳父悟官晉陵令因家于錫之梅里鄉相傳父子並葬

關壯繆廟 在犂尖橋之東右為申明亭蔡士祿建

明處士蔡濟墓 在下庄

明布政華昶墓 在延祥鄉

祈福菴 在垂慶鄉俗名廟菴宋元祐中圓照禪師乞歸山建圓照世傳為第十七尊者

管羅漢是也按神僧傳圓照諱宗本姓管氏無錫人有神術善顯化宋元豐中驛召入朝

命住慧林寺賜紫號淨照禪師菴中有神像碑記

普明菴 在延祥鄉元至正中建明洪武中重修

旌節坊 在磚橋為王希裕妻呂氏建氏二十六而寡撫十月孤允福成立完節五十餘

年有司聞於朝詔旌

南興塘自縣治東北運河分流曲折行為轉水河

逕老人關又東北行至對溝渡東行至尤村渡

其支者南行入冷瀆又東歷新塘橋分而南為

東亭河祇陀寺在其北又東行至鴨城逕花園

浜口分為二支一支東北行過石埭橋楊婆圩

諸水自北來會繞埃山之陽東行至九里橋其

支者東北行經安家墳前又東行分而南為奚

山浜又東行為西安橋中安橋至太平橋分而

南為走馬塘又東行至關橋分而南為徐冲橋

河又東行過關橋安家墳前之水折而南復來  
 合焉歷大成橋入宛山蕩宛山峙其東北距虞  
 山五十餘里為常熟界一支自花園浜口東行  
 過茅道橋分而南過新橋東亭之水出高阡橋  
 自西來合又南行出許巷橋入伯瀆河又東行  
 過張公橋又分而南逕灣橋出破塘亦入伯瀆  
 河又東行逕西蠡橋直至德廟之北又東行過

東蠡橋至犁尖合下庄橋河會於伯瀆河

尤圖元尤居敬居此鑿池獲金悉施窮者民德之稱其地為尤圖溪上有渡亦以尤名

祇陀講寺在新塘北梁大同間邑人王建施宅為寺隋廢唐上元乾符間相繼修復

賜名崇教禪院元廢明洪武初重建仍改今名寺有聽松軒倪瓚有詩詠其跡

雲林草堂元處士倪瓚字元鎮世居祇陀里多喬木建堂名雲林因以自號堂前植

碧梧列奇石堂中設古玉器尊彝法書名畫堂後建清閔閣朱陽館

清閔閣瓚有潔癖閣前梧石日令人洗拭秋風墜葉令童子以針綴杖頭挑出之客非

楊維禎張雨諸人不得入有外國使臣過此以沈香百觔為贄求見瓚辭不得入凡三至

乃密令童子啓雲林堂登焉歎賞久之求一至清閔閣童子不可乃投香望閣再拜而出

又稱倪迂善畫妮古錄定為逸品按祇陀與鴻山相距十餘里東西相望雲林之清高

始與伯鸞後先輝映乎

東亭河南興塘之支分流南行為東亭尋分為二  
 跨以東西二橋復合為一俗呼為龍舌尖也又  
 南行分流而東至張富橋高阡橋折而南新橋  
 河分南興塘之水自北來合出許巷橋入伯瀆  
 河又南行分流而東折而南過羅圻橋繞堠陽  
 倪氏之居折而北稍東折而南出紅橋入伯瀆  
 河又南行分流而東為港西河稍南折而東過  
 石塘橋折而南至打狗橋出牙橋入伯瀆河又  
 南行冷瀆自西來合過江溪橋逕楊氏之居楊

氏倪氏皆邑之著姓也又南行出學士橋入於

伯瀆河

東亭鎮

古名隆亭

金粟嶺

在東亭明學士華察所築園亭今為倪氏別業

宋承事郎華智墓

在隆亭東

宋將仕郎華銓墓

在隆亭西

元監稅華友聞墓

在厚本巷

都事鉉墓

在羅村壽山鉉妻陳氏守節元至正二年詔旌貞節夫人並葬於此

堠陽

倪氏自祇陀析居於此明徵仕郎堠友行義著聞於時高忠憲為之立傳又諸生

子處士璞墓

在冷

璞子

坊著尚書講義爾耀妻嵇氏爾燦妻吳氏俱以節孝著嵇婢許氏感其貞義終身不嫁

明迪功郎倪宗實墓 在冷村西為埃陽坊前倪氏始遷祖

### 楊氏宗祠

奚山浜南興塘之支分流南行進湖口橋南行過

岳聖公橋繞奚山西麓又南行過莊家橋又南

行出新橋稍折而東繞蔡氏之居又南行過朱

松橋下庄橋合東西蠡橋之水出犁尖橋入於

伯瀆河

元承事郎蔡希逸墓 在白水潭希逸自洞庭遷居板村為蔡氏始遷祖

元處士蔡純墓 在北查 純孫偉卿墓 在胥子涇 偉卿子

士魁墓 在眉公潭子儒林郎能銓耐葬

宗教學堂 在板村明指揮蔡孚事陳節母五十餘年以孝聞與弟濟終身不析產築

此堂以收族人不能力學者教之

吳氏墓 在石家堰今子姓居郡之洗馬橋科甲甚盛

明處士蔡方墓 在北查東原方妻吳氏以節著孫元亨官廉州上疏於朝乞旌

走馬塘南興塘之支分流南行入塘西橋經石室

山之西嵩山之東分流而東過孫家橋又東過

王家橋又東過桑園橋注於八千蕩又南行經

鴻山之西過唐家橋西城橋又南行出外庄橋

入張塘河

東庄司馬氏世居

彭祖墩鴻山楊氏祖墓

徐冲橋河南興塘之支分流南行入徐冲橋又南

行過應龍橋鯽魚橋注八千蕩八千之水東行

者過曹墓塘橋注于謝埭蕩南行者過趙家東

橋又南行分流而東繞圓通之南經蕩口鎮注

於鷺湖又南行過斷塘橋劉團橋注于蘇舍蕩

圓通禪寺在延祥鄉唐乾元初建本名乾元或云里張氏之宅施為浮圖咸通中重

建宋景祐中賜額明永樂正德間重修

西莊蕩口華氏析居於此國初諸生華亥楨妻金氏年十九而孀撫七月孤振先成立

運河自京口而來下達蘇杭縣亘八百餘里南北

往來之孔道也流逕縣南五里出清寧橋下塘

為伯瀆口蓋縣南之驛置於西岸為上塘故東

岸為下塘也過伯瀆口東南行上塘為曹王涇

口下塘為十字港口又東南行上塘為謝家橋

口又東南行為小白龍涇口下塘為周涇口又

東南行上塘為大白龍涇口下塘為宅基浜口  
 又東南行為泉瀆又東南行為聖瀆又東南行  
 出龍滙橋為蠡河上塘為通湖橋即望亭驛有  
 望亭巡檢司在焉輿地志望亭舊名御亭三國  
 吳大帝所立晉顧颺監晉陵軍進討賊將張健  
 築壘於此隋開皇間始置驛唐李襲譽始易今  
 名錫山驛至此五十里蓋蘇常兩郡之交界也  
 下塘諸水皆通伯瀆上塘諸水並注太湖河蓋  
 左並伯瀆右瞰太湖汪洋於平野中而東南注

太常卿蔡亨墓

在周涇口亭於正德間事世宗  
 潛邸後拜光祿少卿尋遷太常

御賜祭葬俗傳  
 為蔡皇親墳

莫城

元至正末莫天祐據無錫為張士誠聲援  
 明太祖攻姑蘇天祐跨運河設水關又沿

蠡河南岸築土城拒守今  
 遺址猶存俗呼蠡河埭

蠡河運河之支自柵口東行曹宅橋之水自北來

合又東行過曹家渡楊家渡顧市橋之水自北

來合又東行過阿奶渡星橋渡二渡今俱建石

橋行者無褻涉之苦又東行逕三嘆蕩相傳西

子自沉於此范蠡望之而三嘆焉又東行出蠡

口台楊巷蕩之水注於曹湖

泗洲教寺

在三嘆蕩之北宋嘉定中建德祐中毀於兵元至大間復建尋廢明洪武

中修復隆慶中邑人華察重修火萬曆中重建

曹家渡

在望亭明嘉靖己丑進士曹察世居於此官至汀州知府又曹荃登崇禎戊辰

進士官至泉州知府俱有政聲

聖瀆分運河之水東行過十房橋安橋之水自西

北來會又東行唐庄之水自北來會又東行爲

南河又東行錢家橋之水自北來亂流而過逕

胡匠橋出曹宅橋注於蠡河又東行爲柘社河

又東行馬橋河之水自北來亂流而過出顧市

橋亦注於蠡河又東行過祥里橋周打鼓橋出

徐塘橋入於三嘆蕩

善慶菴

在唐庄橋東宋咸淳中建

福慧禪院

在周打鼓橋里鄒氏建

西宅

鄒氏世居明萬曆甲戌進士鄒迪光官至湖廣提學副使子德基尤工書法

柘社

吳氏世居明弘治間自閩江分此國朝有明經吳士達著西堂草通鑑纂要

鄒庄河在坊前西分伯瀆之水南行進魏家浜又

南行過鄒庄而金家橋浜馬村浜各分伯瀆之

水西南行來合焉又西南行繞高巷後又南行  
過青石橋折而西過藕蕩橋折而南過莫家橋  
注於周涇

香涇河在被塘西分伯瀆之水南行折而東又折  
而南周涇分運河之水自西來會又南行過岵  
思橋折而西南行遶子鷺墩又轉東南行宅基  
浜分運河之水自西來會過安橋泉瀆分運河  
之水過下水涇橋自西來會注於聖瀆

侍郎費德弘墓

在景雲鄉  
泉瀆里

宅基

周氏世居明周後以孝友聞子淑孫四人  
懷忠尤至孝今邑周氏登科入仕者皆後  
之裔也

朱孝子坊

在宅  
基

梅花浜在至德廟東分伯瀆之水東南行里許安  
樂浜之水從犁尖河口分伯瀆之水南行來會  
過金梁橋南行數里分流而東合顧閔橋河又  
南行過唐庄注於聖瀆

北宅浜在分水龍王廟之東分伯瀆之水南行過  
成家橋至壩頭折而西復折而南逕薛店之西

過顧閔橋竹橋而梅花浜之水來會合流而南  
接於聖瀆其東行者自竹橋分流過何店橋錢  
家橋又分而南合於南河金娥墩在水之曲又  
東行至雙板橋而合於馬橋河今雙板橋前後  
數里吳氏聚居者甚盛或自閭江來遷或自吳  
郡來遷皆伯裔也

薛店

楊龜山先生後裔世居於此康熙間楊錦  
妻錢氏年十九夫死守節至八十餘歲而

卒縣獎  
未旌

壩頭

黃氏國朝庠生黃恒妻華氏少寡守節  
世居撫孤成立憲獎曰節茂松筠

